



CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-04-35565-23/21
Sarajevo, 25.10.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

-SKUPŠTINA KANTONA SARAJEVO
Služba za skupštinske poslove

-VLADA KANTONA SARAJEVO
Stručna služba Vlade

Predmet: Odgovor na zastupničko pitanje, dostavlja se

Zastupnica Smiljana Viteškić je na 42. Radnoj sjednici Skupštine Kantona Sarajevo, održanoj dana 28.09.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavila je zastupničko pitanje kako slijedi:

"Da li i šta Vlada i resorno Ministarstvo konkretno planiraju uraditi kada je u pitanju neophodno i hitno poboljšanje uslova života i rada u Kantonalnoj javnoj ustanovi Gerontološki centar?"

Na navedeno zastupničko pitanje dajemo slijedeći odgovor:

Ministarstvo za rad, socijalnu politiku, raseljena lica i izbjeglice Kantona Sarajevo je u prethodnom periodu u skladu sa zahtjevima Ustanove dalo saglasnost za postupak prijema u radni odnos u KJU "Gerontološki centar za socijalni rad" za:

Fizioterapeut, na određeno vrijeme do tri mjeseca - 1 izvršilac, 29.03.2021. godine.

Doktor medicine, specijalista fizikalne medicine i rehabilitacije, ugovor o djelu na tri mjeseca, - 1 izvršilac, 29.03.2021. godine.

Doktor medicine, specijalista neurologije, ugovor o djelu na tri mjeseca, - 1 izvršilac, 29.03.2021. godine.

Doktor medicine, specijalista psihijatrije, ugovor o djelu na tri mjeseca, - 1 izvršilac, 29.03.2021. godine.

Doktor medicine, specijalista ortoped, ugovor o djelu na tri mjeseca, - 1 izvršilac, 29.03.2021. godine.

Spremačica, na određeno vrijeme do godinu dana - 2 izvršioca, 31.03.2021. godine.



Doktor medicine, specijalista fizikalne medicine i rehabilitacije, ugovor o djelu na tri mjeseca, - 1 izvršilac, 17.08.2021. godine.

Doktor medicine, specijalista neurologije, ugovor o djelu na tri mjeseca, - 1 izvršilac, 17.08.2021. godine.

Doktor medicine, specijalista psihijatrije, ugovor o djelu na tri mjeseca, - 1 izvršilac, 17.08.2021. godine.

Doktor medicine, specijalista ortoped, ugovor o djelu na tri mjeseca, - 1 izvršilac, 17.08.2021. godine.

Doktor opšte prakse - na određeno vrijeme do tri mjeseca - 1 izvršilac, 04.10.2021. godine.

Njegovateljice - na određeno vrijeme do tri mjeseca - 10 izvršilaca, 12.10.2021. godine.

Fizioterapeut, - na određeno vrijeme do tri mjeseca - 1 izvršilac, 13.10.2021. godine.

Također, KJU "Gerontološki centar za socijalni rad" data je saglasnost za raspisivanje konkursne procedure za postupak prijema radnika na neodređeno vrijeme od strane Vlade Kantona Sarajevo dana 07.10.2021. godine, i to za prijem zaposlenika u radni odnos, kako slijedi:

Doktor opšte prakse - na neodređeno vrijeme - 1 izvršilac.

Njegovateljice - na neodređeno vrijeme - 10 izvršilaca.

Fizioterapeut - na neodređeno vrijeme - 1 izvršilac.

Ministarstvo za rad, socijalnu politiku, raseljena lica i izbjeglice Kantona Sarajevo je u Budžetu Kantona Sarajevo za 2021. godinu, planiralo sredstva u iznosu od 148.800,00 KM na ime troškova prihvatilišta za prosjake i skitnice i 700.000,00 KM na ime sufinansiranja materijalnih troškova i podrška radu KJU "Gerontološki centar" i ista su se redovno na mjesečnom nivou doznacavala ustanovi (jedna dvanaestina planiranog iznosa doznacavana je ustanovi na mjesečnom nivou).

Isti iznos sredstava za iste namjene ministarstvo je planiralo i u Nacrtu budžeta za 2022. godinu.

U Budžetu Kantona Sarajevo za 2021. godinu, na poziciji ovog ministarstva planirana su sredstva za izgradnju prihvatilišta za prosjake i skitnice u iznosu od 400.000,00 KM iz primitaka, a Ministarstvo finansija Kantona Sarajevo je obavijestilo ovo ministarstvo da na raspolaganju stoje finansijska sredstva za realizaciju ovog projekta i da su ista obezbijedena iz kreditnog zaduženja u 2021. godini.

S tim u vezi, ovo ministarstvo je odmah pokrenulo inicijativu kod Zavoda za izgradnju Kantona Sarajevo za pokretanje procedure za izgradnju prihvatilišta za prosjake i skitnice.

Na prijedlog ovog ministarstva, Vlada Kantona Sarajevo je donijela Zaključak broj: 02-04-29941-35/21 od 05.08.2021. godine, kojim je odobreno preusmjeravanje sredstava doznacenih ustanovi iz Budžeta Kantona Sarajevo sa pozicije ovog ministarstva, i to sredstava koja su ostala neutrošena po određenim projektima za koja su bila doznacena sredstva, a na projekte za koje je ustanova tražila da se preusmjere sredstva.

Nadalje, Ministarstvo za rad, socijalnu politiku, raseljena lica i izbjeglice Kantona Sarajevo je od strane KJU "Gerontološki centar" zaprimilo Obavijest broj 15-1599/21 od 13.10.2021. godine i Dopunu obavijesti broj: 15-1621/21 od 14.10.2021. godine, kojim se ministarstvo obavještava o problemu u vezi pružanja zdravstvene zaštite korisnicima smještaja u istoj ustanovi.

Kako je osnovni cilj ovog ministarstva da se građanima Kantona Sarajevo, koji su kao korisnici socijalne zaštite smješteni u KJU "Gerontološki centar" osigura društvena briga usmjerena, između ostalog, na zaštitu zdravlja, neophodno je da se istim, u smislu člana 94. Zakona o zdravstvenoj zaštiti FBiH (Službene novine FBiH br. 46/10 i 75/13) osigura i primarna zdravstvena zaštita.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1




S tim u vezi, Ministarstvo je organizovalo, i dana 29.10.2021. godine, održalo sastanak upravljačke i rukovodeće strukture KJU "Gerontološki centar", predstavnika Ministarstva zdravstva Kantona Sarajevo, JU "Dom zdravlja Kantona Sarajevo" i Zavoda zdravstvenog osiguranja Kantona Sarajevo, s ciljem da se iznađe najbolje moguće rješenje provedbe navedenog člana zakona, te razmotrilo način pružanja zdravstvene zaštite korisnika smještenih u KJU "Gerontološki centar".

U vezi sa navedenim, ministarstvo je predložilo navedenim ustanovama da delegiraju osobu koja će biti i koordinator aktivnosti na provedbi ugovora o pružanju primarne zdravstvene zaštite u smislu člana 94. navedenog zakona, a u cilju podizanja kvalitete pružanja primarne zdravstvene zaštite u ustanovi.

S poštovanjem,

Pripremio: Miralem Dedović, stručni savjetnik
Kontrolisali: Zoran Timarac, šef odjeljenja
Nurija Hodžić, pomoćnik ministrice

Dostavljeno:
1. Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1

